

“ТАВАНТОЛГОЙ ДУЛААНЫ ЦАХИЛГААН СТАНЦ” ТӨРИЙН ӨМЧИТ ХЯЗГААРЛАГДМАЛ ХАРИУЦЛАГАТАЙ КОМПАНИД МЕНЕЖМЕНТИЙН ТОГТОЛЦООНЫ БАТАЛГААЖУУЛАЛТЫН АУДИТ ХИЙХ ТЕХНИКИЙН ТОДОРХОЙЛОЛТ

Захиалагч: “Тавантолгой дулааны цахилгаан станц” ТӨХХК

Зөвлөх үйлчилгээний зорилго: “Тавантолгой дулааны цахилгаан станц” ТӨХХК-ийн үйл ажиллагаанд нэгдсэн менежментийн тогтолцооны баталгаажуулалтын аудит хийх;

Хугацаа:

Эхлэх: Гэрээ байгуулсан өдрөөс

Дуусах: Ажлыг хүлээлгэн өгч, гэрчилгээ авах хүртэл

1. Оршил

Улсын Их Хурлын 2018 оны “Тавантолгой нүүрсний ордын үйл ажиллагааг эрчимжүүлэх талаар авах зарим арга хэмжээний тухай” 73 дугаар тогтоолын 1 дүгээр зүйлийн 1.1, 1.4 дэх заалт, Засгийн газрын 2020-2024 оны үйл ажиллагааны хөтөлбөрийн 3.5.1.4 дэх хэсгийг хэрэгжүүлэх зорилгоор Засгийн газар 2020 оны 04 дүгээр сарын 08-ны өдрийн “Таван толгой цахилгаан станц”-ын бүтээн байгуулалтын ажлыг эрчимжүүлэх талаар авах зарим арга хэмжээний тухай 124 дүгээр тогтоол гарсан. Тус тогтоолын дагуу төсөл хэрэгжүүлэх тусгай зориулалтын “Тавантолгой дулааны цахилгаан станц” ТӨХХК 2020 оны 10 дугаар сарын 05-ны өдөр байгуулагдсан.

Компанийн алсын хараа, хэтийн зорилго нь Монгол Улсын урт хугацааны хөгжлийн бодлогын баримт бичиг АЛСЫН ХАРАА-2050-ийн бүсчилсэн хөгжил зорилтын хүрээнд хэрэгжүүлэх үйл ажиллагааны 8.2.1-т: “Монгол Улсын эрчим хүчний нэгдсэн системийн босоо тэнхлэгийн гол шугам, эх үүсвэрүүдийг барьж байгуулан бүсийн эрчим хүчний хангамжийг найдваржуулж, цахилгаан эрчим хүч экспортлох үйлдвэрлэл, дамжуулалтын бүтцийг бүрдүүлнэ” гэж тусгагдсан байдаг.

Төслийн бэлтгэл ажлын хүрээнд компанийн үйл ажиллагаанд олон улсын Нэгдсэн менежментийн тогтолцоо ISO 9001:2015 (MNS ISO 9001:2016), ISO 21500:2012 (MNS ISO 21500:2017), ISO 31000:2018 (MNS ISO 31000:2021) стандартыг нэвтрүүлэх, хэрэгжүүлэхээр төлөвлөсөн ба үүнтэй холбоотойгоор менежментийн тогтолцооны баталгаажуулалт хийлгэх хэрэгцээ шаардлага үүсээд байна.

2. Баталгаажуулалтын хамрах хүрээ

Баталгаажуулалт хийх байгууллага нь Захиалагчаас өгсөн чиглэлийн дагуу дараах ажлыг гүйцэтгэнэ.

1. Компанийн үйл ажиллагаанд MNS ISO/IEC 17021-1:2020 ба MNS ISO 17021-3:2020 стандартын шаардлага хангасан тохирлын үнэлгээ хийх;
2. Олон улсын Чанарын менежментийн тогтолцоо ISO 9001:2015 (MNS ISO 9001:2016), ISO 21500:2012 (MNS ISO 21500:2017) Төслийн менежментийн арга зүйн заавар, ISO 31000:2018 (MNS ISO 31000:2020) Эрсдэлийн менежмент Удирдамж нэгдсэн стандартууд болон шаардлагын хүрээнд ISO 19011:2018 стандартын дагуу аудитыг гүйцэтгэх, менежментийн тогтолцоонд дүн шинжилгээ хийх, сайжруулах зөвлөмж өгөх, гэрчилгээ олгох;
3. Олон улсын аль нэг баталгаажуулалтын байгууллагаар давхар баталгаажуулалт хийлгэх.

Үйлчилгээ үзүүлэгч нь дээрх ажлуудыг гүйцэтгэхдээ Монгол Улсын хууль тогтоомж, Олон улсын болон дотоодын стандарт, шаардлагад нийцүүлэн дүн шинжилгээ хийж, захиалагч болон түүний төлөөлөгч, зөвлөхтэй хамтран ажиллана.

3. Баталгаажуулалтын байгууллагад тавигдах шаардлага

1. ISO 17021-1:2020 ба MNS ISO 17021-3:2020 стандартын дагуу Үндэсний итгэмжлэлийн төвөөс итгэмжлэгдсэн хүчин төгөлдөр гэрчилгээтэй байх;
2. MNS ISO 31000:2020 Эрсдэлийн менежмент Удирдамж стандартаар үнэлгээ хийж байсан туршлагатай байх;
3. MNS ISO 21500:2017 Төслийн менежментийн арга зүйн заавар стандартын дагуу үнэлгээ хийж байсан туршлагатай байх;
4. Тухайн стандартуудаар олон улсын хүлээн зөвшөөрөгдсөн Тэргүүлэх аудиторуудтай байх;
5. Олон улсын нэр хүнд бүхий баталгаажуулалтын байгууллагатай хамтран ажиллах гэрээтэй байх;
6. Олон улсын гэрчилгээ олгосон хамгийн багадаа 5 удаагийн туршлагатай байх.

4. Хүлээгдэж буй үр дүн

Дээр дурдсан үйл ажиллагааг гүйцэтгэснээр, үйлчилгээ нь дараах үр дүнд хүрсэн байна.

№	Хүрэх үр дүн	Хугацаа
1	Нэгдсэн менежментийн тогтолцооны 3 стандартын баталгаажуулалт хийгдэх	2024.10.30
2	Зөвлөмж хүргүүлэх	2024.11.15
3	Дотоодын болон олон улсын гэрчилгээ авах	2024.12.15

5. Төлбөрийн нөхцөл

Төлбөрийн хэмжээ: Компанийн батлагдсан худалдан авах ажиллагааны төлөвлөгөөнд тусгагдсан төсөвт өртгөөс хэтрэхгүй байна.

Төлбөр төлөх: Ажлын хөлсийг ажлын үр дүнд үндэслэж гэрээнд заасны дагуу ажлын даалгаврын гүйцэтгэлээр төлнө. Төлбөрийг төгрөгөөр олгох бөгөөд төлбөрийн дүнд холбогдох бүх зардал, татвар хураамж багтсан байна.

---oOo---